

相續如循環之無端聖人知其然信其理故保小守下而已
清源子劉驥曰聖人抱道懷德不離乎方寸之中自知不自
見自愛不自貴故終不爲大然方寸之中真性之內無不忘
也無不有也澹然無極而眾美從之此天地之道聖人之德
也故能成其大輕諾者其後必寡信多易者其後必多難聖
人之於道勤而行之猶以爲難故能窮理盡性以至於命而
終無難也

其安易持章第六十四

其安易持其未兆易謀其脆易泮其微易散爲之於未有治之
於未亂

道藏輯要

道德真經
彭鶴林集註

七 心集八

御注曰安者危之對未兆者已形之對脆者堅之對微者著
之對持之於安則無危謀之於未兆則不形聖人之知幾也
脆者泮之則不至於堅冰微者散之則不著此賢人之殆庶
幾也奔壘之車沈流之航聖人無所用智焉用智於未奔沈
所謂爲之於未有治之於未亂

穎濱蘇轍曰方其未有持而謀之足矣及其將然非泮而散
之不去也然猶愈欲旣成也故爲之於未有著上也治之於
未亂者次也

陸佃曰其安易持其未兆易謀此言造理而悟也其脆易破
其微易散此言造形而悟也

清源子劉驥曰身乃神之車神之舍神之主也主人安靜神
卽居之主人躁動神卽去之故其安易持患生不意禍生所
忽審其未兆而謀之乘其微脆泮而散之則易矣及其禍患
已成而後謀之是猶奔壘之車沈流之航聖人無所施其智
巧聖人用智於未奔沈故爲之於未有治之於未亂去其害
道者而已

黃茂材曰當其安而持之不待於已危故易持當其未兆而
謀之不待於已形故易謀當其脆而泮之不待於已堅故易
泮當其微而散之不待於已著故易散爲於未有之前何爲
不成治於未亂之際何治不濟而不謂之易爲易治者其易

道藏輯要

道德真經
彭鶴林集註

八

心集八

可知矣

合抱之木生於毫末九層之臺起於累土千里之行始於足下
御注曰有形之類大必滋於小高必基於下遠必自於近其
作始也簡其將畢也必巨聖人見端而思未覩指而知歸
碧虛子陳景元曰此三者喻不見幾夫患不預防惡不杜漸
其猶植木乎初生於毫末可拔而絕之及其合抱也本據乎
陰巖梢侵於陽嶺青青百尋鬱蔽日月惡可伐哉又如築臺
乎起土於一畚可蹴而地之及其九層也聳百仞之高出乎
中天擬邱陵之大廣乎數畝惡可毀哉又如遠行乎始登於
跬步可旋踵而返及其千里也長川渺彌峻嶺巖嶮途隘而

可畏路僻而多岐惡可還哉

清源子劉驥曰神聖之道積習而成雖可以頓悟不可以頓進日月有數大小有定聖功生焉神明出焉由小至大猶合抱之於毫末從卑至高猶九層之於累土自近及遠猶千里之於足下

黃茂材曰合抱之木天下以爲大也大生於小故知合抱卽毫末也九層之臺天下以爲高也高起於下故知九層卽累土也千里之行天下以爲遠也遠始自近故知千里卽足下也然則物之小者下者近者其可忽諸

爲者敗之執者失之是以聖人無爲故無敗無執故無失故民

道藏輯要

道德真經
彭鶴林集註

九

心集八
XII

之從事常於幾成而敗之慎終如始則無敗事矣

碧虛子陳景元曰爲營爲也執執著也敗起於有爲不爲則何敗之有失因於有執不執則何失之有是以聖人稟高明之性措意不在小成而常以虛靜恬淡寂寞無爲爲心自然無爲無執無敗無失幾近也言世俗之人雖從務於善事皆有始而無卒先勤而後惰常以功業近成而不能戒謹乃復亡敗也若能謹末如初始終如一則所爲無不成矣豈有敗事也詩曰靡不有初鮮克有終

頴濱蘇轍曰治亂禍福之來皆如彼三者積小以成大聖人待之以無爲守之以無執故能使福自生使禍自亡譬如種

苗深而厚耕耘之及秋自穰譬如被盜危坐而熟視之盜將自卻世人不知物之自然以為非為不成非執不留故常與禍爭勝與福生贅是以禍至於不救福至於不成蓋其理然也聖人知有為之害不以人助天始終皆因其自然故無不成者又曰世人心存於得喪方事之微猶有不知而聽其自然者及見其幾成而重失之則未有不以為敗之者矣故曰慎終如始則無敗事矣

陳象古曰極力有為為極必敗極力以執執極必失

葉夢得曰世固未嘗有成敗以吾有為故成者必敗世固未嘗有得失以吾有執故得者必失此民之所以從事而不得

道藏輯要

道德真經
彭鶴林集註

十

心集八
八

不謹者也

是以聖人欲不欲不貴難得之貨學不學以復眾人之所過以輔萬物之自然而不敢為

碧虛子陳景元曰難得之貨謂金玉珠犀也世俗以不欲為憂聖人以不欲為樂聖人之清靜節儉世俗之貪濁奢侈是以世俗之所不欲者迺聖人之所欲也故視金玉如遺土也世俗損天真以務外學而失其分內之性聖人守自然而不學保其分內之天和然世俗以不學為過聖人以不學為真學故曰學不學以復眾人之所過

穎濱蘇轍曰人皆徇其所欲以傷物信其所學以害理聖人

非無欲也欲而不欲故雖欲而不傷於物非無學也學而不學故雖學而不害於理然後內外空明廓然無爲可以輔萬物之自然而待其自成矣

劉概曰欲眾人之所不欲故曰欲不欲不欲眾人之所欲故曰不貴難得之貨學眾人之所不學故曰學不學不學眾人之所學故曰復眾人之所過

達真子曰欲之所先莫甚於難得之貨學之所失莫甚於眾人之所過動不知靜爲不知止皆所謂過也聖人欲期於不欲所以不貴難得之貨學期於不學所以復眾人之所過若是則不有其爲執之蔽也故曰以輔萬物之自然

道藏輯要

道德真經
彭鶴林集註

十一

心集八

清源子劉驥曰聖人非無欲也欲人之所不欲不以物易性故不貴難得之貨非無學也學人之所不學不以博溺心故以復眾人之所過反其性情而復其初而已不益生不助長順物自然無容私焉而天下治故以輔萬物之自然而不敢爲

黃茂材曰道無欲也欲不欲所以求在我也外物又何足貴天下之物各有自然之理愚者不及智者過之與其過也甯不及故剗心去智學所不學輔物自然而已何敢爲哉

古之善爲道章第六十五

古之善爲道者非以明民將以愚之